

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

CLXIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

mus DEI beneficio in vera de DEO doctrina, à Luthero accepta, consensus est. Bremæ seditionem moverunt sacramentarii Duce uno consule D. Alberti Hardbergii patrono, & à reliquo Senatu recte sentiente, iniquissimas conditiones vi extorserunt. Qua de causa tres consules & 16. Senatores ex urbe in exilium voluntarium discesserunt. Nostræ Academiæ conditionem mediocrem ex adjunctis pagellis cognosces: Quibus etiam libellos Chronologicos adjunxi, quos D. Erythræo & M. Gloccero exhibebis: ac salutem illis reverenter & officiose meis verbis nunciabis. Bene & feliciter vale. Rostochii, 6. Augusti.

David Chytræus.

CLXIX.

(Incertum, quo anno scripta.)

**S** Multis nominibus beasti me, ornatissime vir, tuis illis, tam eruditis, Christianaque charitate aded plenis, literis. Nam quod meum qualecumque officium candide aded interpretaris & ministerii communionem aded amanter amplecteris, pro eo ac decebat gratissimum mihi fuit, eoque nomine gratias ingentes tibi ago & habeo. Sed & quod de *discessione* inter ministros sopita scribis, tanto majore voluptate accepi, quanto graviore tristitia percussus fui, simulac eam, per quosdam ingenti cum scandalo, & tempore aded iniquo, excitatam inaudieram. Nec qua ratione malum sanaretur, vel cogitare poteram, nisi velut à machina Dominus consilium daret & opem, sic præsertim flagrantibus (ut ferebatur) quorundam studiis. Beneficium ergo Domini agnosco, quo paroxysmus per quam odiosus & periculo plenus in optatam quietem exierit, adedque & occasionem præbuerit, disciplinæ Christi plenius constituendæ, & ad alias quoque propagandæ ecclesias. Sic novit Dominus, mala nostra, ad nominis sui gloriam & Ecclesiarum profectum convertere. Idem rogandus est, ut eam pacem ecclesiæque incolumitatem perpetuam esse velit. Nos hic in alta securitate vivimus, qua utinam non ad licentiam abutamur, sed ut ad Christi jugum & nos paremus, quo eviteretur Antichristi exactoris sceptrum plusquam ferreum. Nam vicinis aded passim oppressis immunitatem polliceri nobis qui possumus, si pari cum aliis ingratitude, contraque verbum obstinatio & impœnitentia DEI pergamus irritare furorem? Atque hoc magis incumbendum nobis est, ne nostro desimus officio, quod hac fatali temporum clade, gravissimum sustinemus omnes. Ex Helvetiorum Comiciis nihil certi accepimus. Scissas esse sententias constat de Fædere Gallico, idque ob eam maxime causam, quod in martyrum sanguinem crudeliter aded grassari Rex per-

gat, nostroque milite, si foedus in solidum coalescat, contra Anglum porissimum usurus videatur, sincera nobiscum Religionis assertorem. Cum tali & talibus conditionibus verò, qua conscientia nostri foedus inire possint, cerè nec ipse video. Adde, quod Syncretismo inter se Monarchæ videantur & contra Christum, & gentium plebiumque quarumcumque libertatem conspirare. Cæsar (inquam) Gallus & Pontifex, & simulare potius inimicitias, quam veris inter se consistari, utcumque nullo amore etiam vero cohæreant, adeò ut nisi vigilemus, precibus pietatique instemus, omnia ipsorum consilia in nostram perniciem eruptura sint. Sed hæc vir ornatissime, ipse abunde intelligis, quare vale in Christo JESU, cum uxore & Symmistis tuis omnibus, quos cupio meis verbis salutes amanter & reverenter. Resalutat te D. Mycon. & mei fratres omnes, hunc juvenem tibi commendo, qui quid velit coram exponet. Basil. 17. Julii.

T. Sulcerus.



EPISTO-